



Paraenesis De Eleemosyna

Alardus <Aemstelredamus>

[Köln], 1545

VD16 A 1250

Opibus ecclesiae in usum pauperum peculiariter relictis inopes esse
iuuandos.

[urn:nbn:de:hbz:466:1-63012](https://nbn-resolving.org/urn:nbn:de:hbz:466:1-63012)

DE ELEEMOSYNA.

nos in Actibus suis Apostol: Cum factum fuisset, inquit, murmur Græcorum ad Hebræos, eo quod despicerentur uiduæ eorum in ministerio quotidiano, dicentes: Non est bonum relinquentes uerbum dei ministrare mensis. Eligite ergo ex uobis septē, quos constituamus in hunc usum: nos autem uerbo dei intenti erimus. Episcopi autem, & presbyteri, quibus creditæ sunt cathedræ, qui tradunt ecclesias quibus non oportet, & constituunt principes quos constituere non expedit, ipsi sunt qui uendunt columnas, quorum cathedras Christus euertit. Actorum 6. Non est æquum nos derelinquere uerbum dei, & ministrare mensis, & quæ sequuntur. Qua de re plenius qui uelit edoceri, Ambrosiū legat in officijs, ubi agit de sancto Laurentio, & factum sibi satis haud dubie fatebitur.

Opibus ecclesiæ in usum pauperum peculiariter relictis inopes esse iuuandos.

Bernardus in tractatu de colloquio Simonis & Iesu ca. 9. Sane patrimonia pauperum sunt facultates ecclesiarum, & sacrilega crudelitate eis surripitur, quicquid sibi ministri & dispensatores, non utique domini, ultra uictum accipiūt & ustitum. Non enim ordinauit deus ijs qui euangelio deseruiunt, de euangelio quærere diuitias & ornatum, sed sumere (ut ait apostolus) ex eo uictum. Si ergo illi ex rebus suis pauperibus Christi non erogant, æterni iudicis sententia damnabuntur: quanto magis qui auferunt pauperibus, quæ non dederunt. Bernardus in tractatu de colloquio Simonis & Iesu

DE ELEEMOSYNA.

capit. 6. Hinc est quod donatas & dotatas uidemus ecclesias à potentibus & diuitibus huius seculi, qui in operibus bonis diuites iuxta Christi admonitionem, amicos sibi faciunt de mammona iniquitatis, à quibus in æterna tabernacula reciperentur habere, sed heu data est ipsa prouidentia in occasionem carnis, & qui sibi & alijs in cælo tabernacula parare debuerant: in terra coniungunt domum domui, & copulant agrum agro. Quis rapuit ab ore Apostolorum huiusmodi uerbum gratiæ, fidutiæ uerbum? Ecce nos reliquimus omnia & sequuti sumus te. Ecce ut populus, sic & sacerdos. Similiter uolūt diuites fieri, imo & abundantius suam hic percipiunt consolationem. Similiter amicis egerēt et ipsi, ut in aliena saltem tabernacula susciperentur, utpote propria non habentes, sicut pauperes spiritu, quorum est regnum cælorum. Hieronymus, Amico rapere quippiam furtum est: ecclesiam fraudare sacrilegium est: accepisse pauperibus erogandum & esurientibus plurimis illud reseruare, uel cautum uel timidū est, aut quod aptissimi sceleris est, exinde aliquid subtrahere, omnium prædonum crudelitatem superat. Hieronymus ad Rusticum Monachum de uiuendi forma: Sanctus Exuperius Tolosæ episcopus, uiduæ Sareptę sis imitator, esuriens pascit alios, & ore pallente ieiunijs fame torquetur aliena, omnemque substantiam Christi uisceribus erogauit. Nihil illo ditius, qui corpus dominicanistro umineo, sanguinem portat in uitro. Qui auaritiã eiecit è templo. Qui absque funiculo & increpatione cathedras uendentium columbas, id est, dona san

D E E L E E M O S Y N A .

Et spiritus, mensasq; subuertit mammonæ et num-
 mulariorum æra disper sit, ut domus dei domus uo-
 cetur orationis, & non latronum spelunca. Huius è
 uicino spectare uestigia, & cæterorum qui uirtutū
 illius similes sunt, quos sacerdotium & humilio-
 res facit & pauperes. Ambrosius libro secundo of-
 ficiorum capi. 28. Aurum ecclesia habet, non ut ser-
 uet, sed ut erogat, & subueniat in necessitatib9. Quid
 opus custodire quod nihil adiuuat? An ignoramus
 quantum auri atque argenti de templo domini Af-
 sirij sustulerunt? Nōne melius conflatur sacerdos pro-
 pter alimoniam pauperum, si alia subsidia defint,
 quàm sacrilegus cōtaminata asportet hostis? Nō-
 ne dicturus est dominus: Cur passus es tot inopes
 fame emori? Et certe habebas aurū, ut ministrasses
 alimoniā. Cur tot captiui deducti in infidelium com-
 mertiū sunt, nec redempti? Cur tot ab hoste occisi
 sunt? Melius fuerat, ut uasa uiuentium seruares q̄
 metallorum. His nō posset respōsum referri. Quid
 enim diceres? Timui ne templo dei ornatus dcesset.
 Responderet: Aurū sacramenta non quærunt, neq;
 auro placent, quæ auro non emuntur. Ornatus sa-
 cramentorum, redemptio captiuorum est. Et uere
 illa sunt uasa præciosa, quæ redimūt animas à mor-
 te. Ille uerus thesaurus est domini, qui operatur qđ
 sanguis operatus est.

*Partem sacrilegij esse rem pauperum dare, non pau-
 peribus.*

Hieronimus in epistola ad Pammachium sup
 obitum Paulinæ uxoris, Si uis perfectus esse,